

大同縣志卷十八

列女

賢媛 節孝 貞烈 又附錄

綽楔旌門之典所以榮勳闕貴胄者也而女子之以節烈稱者亦得以窮簷陋巷之姓氏上達

楓宸建坊旌表慰潛德而闡幽光者其至已乎志之作也復搜羅於鄉陬僻壤雖旌典所未及者皆採訪其賢孝節烈之事實以示後世其維繫人心風俗者深且大矣茲集就通志郡乘所錄無濫無遺今所增入則益加慎焉覽是編而興起者豈第爲閨門閭里之光也歟哉

考府志首載代王夫人不知境內既無磨笄之山則地以人

大同縣志

卷十八

列女

一

傳之謂何宜通志之錄於代州也此不可不正其失者也至劉殷妻張氏以下通志與府志互異然劉氏卽劉殷之女通志旣載張氏於篇則共女之賢亦應互見而刪之何哉茲斟酌於通志府志之間列爲賢媛一冊凡十三人至命婦之賢不僅稱節而節烈又各爲分載不特文以類從亦以見其遇同者其志同耳凡府志所登各條皆註明省志府志而以今所增入者續之於後人患無千秋之名耳不患無三代之直也第五百八十三村之廣年代久湮遺漏不少則亦無可如何者矣

道光八年九月二十日蒙行知奉

巡撫部院盧准

江蘇撫院陶咨武陽紳士趙懷玉等公舉節烈婦女三千一十八口捐建節孝總祠並請建總坊

旌揚一案經本部院會題請

旨允准在案現已刊刻成書咨送等因又於道光九年四月二十四日奉准

江蘇撫院陶咨上元江寧二縣紳士公同舉報貞孝節烈婦女四百九十九口請總建兩坊

旌表一案經本部院會題請

旨允准在案現已刊刻成書咨送等因竊列女一編志乘所重然

大同縣志

卷十八

列女

二

卽以邑中論前明僅登節孝六十餘條而乾隆年間則已續登一百二十條若再歷二三百年則將累積卷帙其厚盈尺又百年行且錄之不盡矣今江南總建一坊而彙集刊刻成書其立意最爲盡善蓋志中僅載姓氏雖萬千人不見其多而事實另編一集則日久日增專門成書兩不相妨也凡通都大邑宜皆仿此行之於維持風教之義庶足垂示久遠已耳

今以賢媛節孝貞烈分目各以類從亦取其便於續增也將來日久日增卷帙厚繁不妨志書中另刊一冊僅載姓氏而此編爲成書古今人後先一轍各得以其松栢之操垂名不朽非閭教之大助也乎

列女一 賢媛

晉

劉殷妻張宣子女宣子家富于財以女妻殷其妻怒曰我女年始十四姿識如此何慮不得爲公侯妃而遽妻劉殷乎宣子曰非爾所及也誠其女曰劉殷至孝冥感兼才識超世此人終當遠達爲世名公汝其謹事之張氏性亦婉順事祖姑王母以孝聞奉殷恪謹及王氏卒殷夫婦毀瘠幾至滅性時柩在殯而西鄰失火風勢甚盛殷夫婦叩殯號哭火遂越其廬而東後有二白鳩巢于庭樹人以爲至孝之感自是名譽彌顯

省志

劉聰妻劉氏名娥字麗華新興劉殷女也幼而聰慧晝營女工夜

大同縣志

卷十八

賢媛

三

肄書籍傅母恒止之娥敦習彌厲每與諸兄論經義理趣超遠諸兄深以歎伏性孝友善風儀進止聰旣僭位召爲右貴嬪俄拜爲后將起鷓儀殿以居之其廷尉陳元達切諫聰大怒將斬之娥時在後堂私敕左右停刑手疏規諫詞甚切直聰覽之悔悟以表示元達曰外輔如公內輔如此后朕無憂矣及娥死僞諡武宣皇后其姊英字麗芳亦聰敏涉學而文詞機辨曉達政事過於娥初與娥同召拜左貴嬪尋卒僞追諡武德皇后

府志

北魏

樂部郎胡長命妻張氏者不知何許人也事姑王氏甚謹太安中京師禁酒張以姑老且患私爲醞之爲有司所糾王氏詣曹自

首由己私釀張氏曰姑老抱患張主家事姑不知釀主司不知  
所處平原王陸麗以狀奏文成義而赦之

省志

常山公主獻文帝女適東郡王陸昕之奉姑盧氏有孝稱性不妬  
忌以昕之無子爲納妾媵而皆育女昕之卒盧氏悼念而亡喪  
殯無違禮神龜初與穆氏瑯琊長公主並爲女侍中公主有三  
女無男以昕之從子子璋爲後事公主盡禮丞相高陽王雍常  
曰常山妹雖無男以子璋爲兒乃過自生矣天平中卒

省志

上庸公主初封藍田高明婦人也甚有志操適中書監陸子璋事  
姑常山公主盡禮生六子印駿香騫搏彥師皆聰穎邢邵嘗謂  
人云藍田生玉固不差矣主教訓諸子皆以義方六子動依禮

### 大同縣志

### 卷十八

賢媛

四

度亦母氏之訓焉

省志

### 北周

司馬消難妻高氏齊神武女消難在鄴極加敬禮入關便相棄薄  
及赴州妻及三子在京高氏言于文帝曰滎陽公携寵自隨必  
不顧妻子願防慮之及消難入陳母子獲免

省志

### 宋

畢乂林繼妻祝氏自雲中僑居觀城前妻子士安少好學祝曰此  
子有大器當求良師以教之乃與如宋又如鄭始得楊璞韓丕  
劉錫爲友遂僑寓鄭州後士安果舉進士知乾州皆閨訓之力  
也士安以祝氏老願降任就養改監汝州稻田務卒仕至同平

章事 省志

明

董氏衛軍仲海妻年二十餘夫亡三子胥幼訓誨成立皆有操行

長子能承役有智謀以功陞指揮 府志

王氏前衛高濤妻少寡姑目雙瞽以舌舐之兩目復明舅姑卒號

泣毀形士大夫競爲孝德傳詩詞以風世 省志

郝氏朱充璞妻封淑人孀姑曹氏性嚴重好潔有心疾展轉需人

非郝不愜意須臾不離者垂四十餘年跪伏進膳積久手足幾

不能屈伸曹曰吾死何以報汝願汝有婦亦以事我者事汝耳

其後娶婦許氏事郝盡孝果如曹氏言郡人傳爲美談 省志

大同縣志

卷十八

賢媛

五

焦氏陳維垣妻維垣昵於狎邪錢氏女欲逐妻而娶之焦覺處之

蔑如既不答於夫將寂居以終而孝養於姑益維謹維垣狂暴

卒不釋竟縊其頸而死死之日猶執爨供姑鄉黨聞之咸頌其

賢督學使題其墓曰孝婦 省志

焦氏貢生何士璋妻姑抱沉疴不能動履焦負之起卧積勞成疾

至嘔血侍奉不少懈凡僕婢掩鼻望而却走者躬執其役無難

色姑歿毀瘠逾常翁年幾八旬事之惟謹及後歲時祭享必敬

必誠士民咸頌其孝 省志

國朝

施氏任公舉繼室夫人也性貞慧動合內則年二十二歸任乾隆

十一年固原兵變時任官遊擊夜聞變將挺刃出夫人急索佩  
刀自誓曰君第往脫不濟命決此刃矣遂盡呼家人集一室積  
薪鑄戶以待變已而殲平明年任以總兵帥師征蜀遂殉難贈  
提督諡勇烈事詳本傳夫人感激涕零携二子扶柩歸里奉舅  
氏撫遺孤郡邑稱賢孝焉子稍長時時爲言勇烈遺事俾各勉  
忠孝以繼先志長子承恩次承緒以恩蔭得官皆克世其家乾  
隆三十三年卒於京營邸舍時年五十

府志

李氏強富春妻嫁時年十六嘉慶辛未歲大歉斷炊者累日富春  
病痺且盲老姑亦多疾二子幼惟賴婦乞食以供朝夕而其姑  
與夫與子食恒飽不至於餒密察之則私碾草子以餬口其乞

大同縣志

卷十八

賢媛

六

於人者從未嘗自食也鄉隣聞者無不爲之泣下嘉慶二十四  
年四月携子行乞涉河溺於坎仰天慘呼曰死不足惜誰與事  
姑者浪汹汹間有老人掖之登岸母子無恙蓋婦之孝義幾三  
十年出於性生故瀕危之頃若有神焉世之呼天不應者無積  
誠以感之也如婦者可以風世已

續錄

列女二 節孝

元

齊氏李文實妻至順元年以志節 旌其門惜舊志不傳其事實

府志

明

馬氏劉曇妻年二十四而寡撫幼子事舅姑慈孝並著貞操益篤

宣德間 旌表如例 省志

吳氏王玘妻年二十六玘卒奉舅姑無違禮教育遺孤安領鄉薦

官縣令守節六十餘年正統間 旌表 省志

焦氏齊景才妻年二十四夫亡撫子守節成化六年 旌表 省志

大同縣志

卷十八 節孝

七

郝氏儀衛總旗武通妻年二十一夫亡撫藐孤成立孀居六十年

以壽終嘉靖間 旌表 省志

衛氏李添福妻年二十四夫亡子二長六歲次襁褓父母憐其少

諷改適衛嚴拒之隆慶二年巡按奏請 旌表後長子安以叅

贊機務給冠帶次寧亦積功官洮岷副將諸孫咸授指揮懷信

歷官都督封太夫人壽九十卒 省志

宋氏都督同知林椿妻嘉靖庚戌椿戰歿宋年二十五居喪哀毀

捐簪珥營祭葬督課二子克其家鳳舉任叅將鳳騰任朔州守

備萬歷間巡按奏請 旌表 省志

王氏潞城府輔國將軍俊榛繼妻俊榛好施祿入常不贍王恒以

奩資佐之俊榛卒年二十餘會歲荒家無長物力女紅以襄殯事撫孤充燿有成萬厯庚戌巡撫奏聞褒贈夫人樹綽楔 旌

其門 省志

王氏李懷安妻年十六歸李越七年而寡矢志守節貧苦終身萬

厯丁未詔 旌其門 省志

張氏輔國將軍朱充剡妻年十九適充剡逾年充剡卒守節四十

年育孤有成萬厯丁未詔 旌其門 省志

陳氏馬恒妻年二十一夫亡守節四十餘年奏詔 旌表 省志

阮氏項善妻知府阮宗道女年二十三夫亡撫子子復天食貧孤

苦志行彌堅何忠愍公以瓜葛誼重其節捐俸贍養巡按 梁

大同縣志

卷十八 節孝

八

奏請 旌表 省志

石氏朱充鯨妻年三十一夫亡家貧未膺封典勸嫁者踵至石矢

死鬻指撫孤孤成甫娶未幾子婦相繼夭撫孫芝田成立業醫

有聲疏請於朝獲繼祖封詔 旌貞節 省志

祁氏丁倉妻年二十二夫亡矢志事育茶槩終身學使題請 旨

賜坊 旌表 省志

李氏後衛指揮陳棟妻棟卒李年二十九子鳴鳳未一歲家貧饔

殮不給或勸其改嫁李曰未亡人不死爲此呱呱耳艱苦備嘗

竟成痼疾鳴鳳長襲職仕至遊擊將軍萬厯三十年 旌表建

坊如例 省志



劉氏總旗武彥爵妻年少喪夫勵志撫孤卒有成立孫登仕籍年

九十四卒萬曆己亥 旌表建坊 省志

郭氏襄垣府輔國將軍成讞妻笄而于歸夫死郭年二十餘遺孤

聰箔聰濂訓誨砥礪箔濂性亦至孝克自勵以養志孀居五十

餘年奏聞於朝褒封夫人 省志

畢氏左指揮李英妻年二十六夫亡守節四十年無事不踰中門

御史陳天祥爲之 旌表建坊如例 府志

張氏百戶曾廣妻永樂二年廣守鴉兒崖中創死時張年二十有

娠生子興十五襲父職娶方氏正統十四年興復從征陣亡方

年二十無嗣守節與姑同享永年父子皆死王事而姑媳共勵

大同縣志

卷十八 節孝

九

冰操與日月爭光者也嗚呼可以風世也已 省志

趙氏前衛指揮葉盛者鎮守椿之繼母也年二十餘盛死矢守撫

椿兄弟如己出容節不修無事不出寢門孀居四十餘年卒 省志

王氏監生李貞妻年二十五夫亡遺一女矢守志節母孀兄夭幼

姪纒弱齡王迎母同居生卒盡禮撫姪成爲娶婦以繼其後鄉

黨賢之 省志

梁氏丁淮妻早孀撫子世臣娶王氏年二十五世臣疾謂王曰母

孀子幼皆若責也王頷之矢志事育不負遺言當事表共門曰

雙節 省志

王氏朱俊樾妻廟見三年不孕爲夫納妾陳氏陳舉子以封號讓

之未幾夫與陳相繼歿撫遺子將及成亦亡遂與子婦阮氏共  
砥節以終時論傷之

省志

馬氏典膳石銘妻銘離於廣陵所娶也生子二方在抱銘轉遊長

蘆卒客邸族人盡括其遺貲令馬他適馬涕泣不從族人舁柩

返不與馬氏具馬乃治裝携二孤歷數千里奔雲中苦守志行

畢世不渝

省志

邊氏前衛張孝妻子國琦妻王氏俱年二十七而寡婦姑苦志終

始不渝邊壽九十七工壽六十九人稱雲中雙節

省志

董氏朱廷埃繼妻無出妾郭氏生子一夫卒郭求去董曰若去孤

誰與撫乃勉慰再三甘心共守歷三十餘年卒

省志

大同縣志

卷十八

節孝

十

劉氏陝西都司宋定妻夫亡矢守有鄰郡宦族謀娶之遣媒道意

且曰適我子之功名可得也劉怒叱曰賊將陷我於不義餌以

國家名器上負君恩下慙名教言之寧不汗顏聲色俱厲媒惶

恐不敢復語守節數十年會闖賊破太原勢孔亟謂其子曰我

年已七十死固晚矣又奚忍見此亂離耶絕粒七日而死

省志

金氏朱興泉妻嫁甫五月興泉卒金年十六有遺娠越七月生子

嗣延及後流寇犯境母子避難金城嗣延舌耕代養金城名士

半出其門孫曾世繼書香列明經人謂苦節之報云

省志

劉氏張亨妻年二十舉二子而夫亡劉事姑撫孤辛苦萬狀子皆

成立年五十八卒

省志

張氏前衛喬恒妻年二十三夫亡誓不二孝奉翁姑撫育遺孤四子皆成立年六十三卒 省志

董氏前衛指揮林勝妻年二十七夫亡事姑以孝稱教育二孤長

杲早卒次彪襲職董守節三十餘年 省志

常氏生員傅江妻江卒常年二十七有遺娠越百日而生子名錦

育孤以存江後孀居三十四年卒 省志

劉氏知縣張伯達繼室宏治甲子伯達卒於官劉年二十七子鶴

鵬甫二三歲扶柩歸葬遂不出戶庭與側室姚氏甘貧守節後

鶴鵬中式嘉靖乙酉舉人孀居三十年壽五十六卒 省志

李氏高伯枝妻年二十六夫亡無子李撫姪致爲子以奉烝嘗教

### 大同縣志

#### 卷十八

節孝

十一

以詩書食餼縣庠孀居六十餘載當事獎以匾額 省志

郭氏後衛千戶鄒圃妻圃任懷安守備卒於官郭年二十六子尚

信生未閱歲郭扶柩歸葬忍死存孤備嘗艱阻有老姑事之盡

孝苦節四十餘年御史臺獎之 省志

周氏前衛應襲溫習時妻夫暴疾卒周年甫二十遺孤在襁褓中

以節自誓家計窘而苦節愈勵二孤壯長綽授百戶次紳授鎮

撫萬曆二十五年當事獎之 省志

楊氏後衛餘丁杜寶妻年二十七舉三子夫亡環堵蕭然竭力以

殯撫三子皆成立諸孫繞膝凡四十五年壽七十二而終 省志

杜氏永平同知任服休繼室杜年二十四而休卒於官旅櫬歸宦

貲僅共喪葬子櫓方四歲安貧守節櫓就外傳督之維勤廩於  
庠守志四十年壽六十餘 省志

朱氏石自祿妻奉國將軍充烝女封鶴鳴鄉君年二十三而自祿  
亡無子乃育其姪以爲後孝養舅姑慈愛繼子苦節三十七年

按臣獎之 省志

朱氏舍人何養節妻奉國中尉俊築女年二十二而養節亡撫育  
于職卒有成立人羨其操按臣獎之 省志

朱氏生員顧茂林妻博野府宗女夫歿朱年二十歲誓死不二守  
節三十餘年按臣獎之 省志

明氏董天緒妻年二十四夫亡遺一女自毀其容以守志慘淡悲

大同縣志

卷十八

節孝

十二

辛五十年如一日人服其節 省志

朱氏府學生員任重妻潞城府鎮國中尉充燦女年二十一夫亡  
遺腹五月生子體先奉姑以孝子壯補諸生苦節三十年里人

稱之 省志

李氏河間府副將沈繼先妻生三子鎮銳銘繼先以征調積勞病  
卒李年二十七撫育三子女工餬口親族屢勸他適李正色拒  
之後鎮長襲守備職勤王死事銳銘俱以醇謹成家里人稱之

公舉節孝當事獎之 省志

張氏韓粟妻適粟三年而寡年未三十家貧勤女工以自給百折  
維艱撫子萬貴暨貴弟俱成立守節三十三年鄉人賢之 省志

何氏何洵之女適饒府崇人俊榼封夫人榼卒何年二十三無子

力持孀節五十年

省志

王氏中書舍人馬呈德繼妻呈德病歿燕邸王年二十八誓死自

勵扶柩歸杜門茹藥訓子鼎清爲弟子員

省志

陳氏萬曆乙酉舉人鄧應元繼妻應元卒陳年二十一誓以死殉

不食者四日以姑老子幼乃勉食其後姑歿子成而冰操如新

朱氏生員賀廷選妻年三十夫歿撫前妻子成立冰操苦志時人

賢之

省志

陸氏生員劉懿謨妻夫歿晝夜號泣絕粒者數日欲以死殉其母

以撫孤勸解強自存活教子成立鄉人皆稱苦節

省志

大同縣志

卷十八

節孝

十三

吳氏何浩妻年二十夫亡無子誓死強活女工自飭每日吾無出

何力於家而坐食乎父母憐欲嫁之輒與其家絕往還年七十

餘終姪宗祀葬之如禮人共賢之

省志

王氏丁世臣妻年二十七夫亡人勸之嫁以死自誓針工易食奉

孀姑撫幼子四十年如一日子鶴爲郡庠廩生孫大年登賢書

陳氏千總王福妻福陣亡陳年十九撫孤守志備歷艱辛訓子成

立繼襲世職王氏不絕如綫陳之力也年躋七十卒

府志

張氏儀衛司餘丁劉士魁妻年二十二夫歿生男方五月繼姑逼

嫁張以死自決姑亦化厲爲慈辛勤課子世德備弟子員

府志

楊氏選貢郭士宏繼妻宏任雲南提舉卒於官楊年二十六忍死

扶柩還鄉撫孤茹荼凡三十年事繼姑以孝教子敦厚崇正元年以恩預選焉府志

范氏初信妻夫早逝事姑以孝稱撫孤成立年八十卒有貞節堂

詩文遺集府志

李氏于嵩妻年十九歸嵩舉一子方五月嵩亡既襄大事足不踰戶闕抱一幼孤以奉老姑姑亦早孀煢煢相依婦姑俱登高年府志

龐氏張斌妻年二十歸張數年斌歿遺孤三歲龐守節撫之成立年踰六十卒府志

王氏温景清妻 羅氏施達妻 張氏朱廷雛妻 鄭氏王宗伊

大同縣志

卷十八

節孝

十四

妻 張氏朱廷埕妻 胡氏朱廷堽妻 阮氏朱充燠妻 李氏郭之光妻 徐氏李先春妻 張氏任服德妻 岳氏温經妻 郭氏武仲義妻 毛氏朱充灯妻 李氏朱廷坎妻 朱氏李孚德妻 李氏盧仲文妻 張氏鄧希孟妻皆以夫亡守志與請 旌之例相符省志同

國朝

王氏廉州守備高毓秀妻始嫁時年十七隨任十載毓秀罷官回籍以疾卒於湖州客邸王慟絕而甦歸旅襯營窀穸子尚志年未及週以母兼師卒成名秉襄陵鐸蓋苦節三十三年矣康熙四十五年 旌表建坊如例省志

王氏何宗武妻

省志載  
生員

年二十五夫亡矢志撫孤舅老疾奉事唯

謹人稱其孝二子皆補弟子員六十四歲卒雍正八年疏請

旌表

府志

靳氏李綦妻年二十八夫亡奉孀姑撫弱嗣苦節三十八年雍正

十年 旌表

府志

韓氏喬佳選妻年二十三夫亡撫二子有成苦節二十九載族黨

稱之無間言乾隆二年請 旌如例

府志

龔氏聶顯揚妻年二十七夫歿事姑鞠子備歷艱辛嫠居四十載

乾隆元年 旌表

省志

王氏陳惠妻年二十九夫亡守節撫幼子成立由行伍任千總乾

大同縣志

卷十八 節孝

十五

隆五年 旌表建坊

府志

郝氏宋顯榮妻夫歿矢志守節奉姑教子乾隆十四年 旌表卒

年九十三歲

府志

吳氏張某妻夫亡守節乾隆二十三年建坊 旌表如例

府志

薛氏曹應貴妻年二十六夫歿遺子二齡鞠育成立事姑克盡婦

職守節五十二年乾隆二十四年 旌表

府志

師氏武生楊宗仁妻苦志守節乾隆二十八年建坊 旌表

府志

馬氏王希禹妻守節撫孤乾隆二十九年 旌表建坊

府志

柴氏劉鳳彩妻年二十三夫亡遺子甫三歲氏自經以殉其姑覺

而救之甦姑對之泣三歲兒亦泣乃感動不復死仰事俯育苦

節歷五十年乾隆三十一年 旌表 府志

馬氏鄭模妻年十七夫歿懷娠僅三月屢欲自殺以殉翁姑慰諭之防守維謹得不死已而生男遂矢志撫孤守節四十六年乾隆

隆三十四年 旌表建坊 府志

于氏賀尚本妻少寡苦守志節乾隆三十七年 旌表建坊 府志

張氏韓宗妻年二十二夫客死喪歸張以首觸棺流血破面絕而復甦家素貧姑老子幼以女紅佐薪水雖嚴寒不輟十指皆裂姑患背疽口吮之尋愈人言誠孝所感云乾隆三十九年 旌

表節孝建坊 府志

杜氏王威妻年二十六夫歿遺二子俱幼勤苦鞠養以至成立奉

大同縣志

卷十八 節孝

十六

舅姑克盡婦職宗黨稱之乾隆四十年詳請 旌表年近八旬

猶勤持清操不少懈 府志

姚氏楊士俊妻夫亡守節三十餘年乾隆四十年 旌表

朱氏田英妻年十九英歿矢志撫孤乾隆四十一年 旌表

劉氏靳天寵妻年二十三夫歿號痛欲殉舅氏勸令撫孤乃矢志守節以勤儉持家教養二子俱至成立乾隆四十二年 旌表

董氏庠生張登第妻二十七歲登第歿遺子師孔甫九齡董教之有法舅姑俱早逝董撫孤與諸父共饗事之如事舅姑家雖素豐一以勤儉爲本後師孔富而好禮孫慶餘等恂恂雅飭至今猶遵遺訓焉乾隆五十一年 旌表



趙氏邑民郭進朝妻二十七歲進朝歿守節三十八載乾隆五十一年 旌表

劉氏庠生孫登鯉妻登鯉歿時劉方二十守節四十載乾隆五十五年 旌表

姚氏邑民師鎮璽妻年二十鎮璽亡無子撫從子培英入學成立守節四十一年乾隆五十五年 旌表

曹氏郭世家妻二十五歲世家歿守節三十一年乾隆五十五年 建坊 旌表

王氏庠生李潤妻歸潤五年而潤歿潤父慮王年少無子不克完貞促之改醮王堅志不允潤父因令王居偏院故立嚴禁以堅

大同縣志

卷十八

節孝

十七

其志王皆聽從每省親朝往暮歸親族中凡昏喪事王皆不預王不出偏院諸叔亦不入王室者幾二十年撫教嗣子存元以勤儉爲切務後家道益昌乾隆五十七年 旌表

岳氏邑民喬起雲妻二十七歲守節乾隆五十七年 旌表

段氏聶文光妻二十一歲文光歿守節四十七載乾隆六十年建坊 旌表

薛氏李臻妻二十三歲守節乾隆六十年 旌表

閻氏張師仲妻十九歲師仲歿矢志守節三十一年乾隆六十年 建坊 旌表

趙氏徐瞳村解俊妻二十一歲俊歿守節四十年嘉慶元年 旌表

劉氏高蒿妻二十三歲夫歿守節三十四載嘉慶元年 旌表

楊氏王天相妻十八歲天相歿守節三十一年嘉慶元年 旌表

趙氏邑民劉琮妻二十歲琮歿遺孤尚幼趙訓之如嚴父後子孫

雖居闈閨恂恂有士風守節三十三年嘉慶二年 旌表

楊氏王世魁妻世魁貿易遼陽楊婦代子職事舅姑最孝世魁歿

撫二孤長燕次烈俱成立守節四十二載嘉慶三年 旌表

李氏師鎮威妻十八歲鎮威歿無子以伯兄之子杰爲己子撫之

入庠守節四十三年嘉慶七年 旌表

韓氏劉漢章妻二十三歲漢章歿遺子三長維翰方六歲二三皆

襁褓後維翰亦歿守節三十二載嘉慶九年 旌表

大同縣志

卷十八

節孝

十八

王氏王汝爲妻汝爲歿時氏年二十有二守節三十五年嘉慶九

年 旌表

刁氏李積馨妻二十六積馨歿守節四十六載嘉慶九年 旌表

潘氏張德妻德亡時潘年二十二歲守節三十五年嘉慶十年建

坊 旌表

鄭氏袁伏騰妻年二十四歲生子未彌月而伏騰卒鄭卽毀容守

節翁疾垂床二載鄭事之無怠色歿後衾棺無措盡鬻簪珥竭

力營辦不數年伏騰之胞弟夫婦相繼歿遺四子俱幼弱鄭育

之如己子戚里更稱其賢尤爲尋常閨閣中所難也守節四十

三載嘉慶十二年 旌表

張氏全琦妻 劉氏全均妻娣姒也乾隆三十八年四月琦歿張年二十有三九月均歿劉年二十有一張撫遺腹子踰年亦歿劉欲以二歲遺孤嗣琦存大宗祀既而胞弟添丁張始有嗣劉仍自撫其孤後俱成立各守節三十三載嘉慶十三年 旌表

張氏庠生郭堂妻年十八堂歿遺子輯五甫六月張堅志事育後姑雙目生翳張日以舌舐數月姑目復明人皆頌其孝感蓋貞節與至孝其源一也輯五二歲時得弱疾動輒昏迷張母家恐其無成將議改適張嚴拒之篤志冰霜撫輯五入泮成立嘉慶十三年 旌表

周氏西韓家嶺居民李爾惠妻十七歲歸爾惠事舅姑甚得婦道

大同縣志

卷十八

節孝

十九

娣姒六人周處之和睦甫六載而爾惠歿遺子二長翰謙次炤暄皆以母教後俱入泮長孫鍾岳登鄉薦諸孫鍾英鍾嶠俱弟子員書香不絕人以爲貞德之報焉嘉慶十五年 旌表

羅氏靳嘉修妻二十三歲嘉修歿羅矢志冰霜撫從子爲嗣遇娣姒和而有禮守節三十一年嘉慶十五年 旌表

張氏王自剛妻二十一歲自剛歿截髮毀容矢志苦守三十四載嘉慶十七年 旌表

趙氏劉登高妻十八歲登高歿茹苦守志撫孤成立嘉慶二十年建坊 旌表

賀氏邑民劉毓功妻年二十毓功歿矢志守節三十一載嘉慶二

十年 旌表

劉氏彭鳳舉妻二十五歲鳳舉歿守節三十二載嘉慶二十年建坊 旌表

郭氏吳日暢妻二十一歲日暢歿矢志撫孤守節四十六載嘉慶二十三年 旌表

周氏劉文彪妻十七歲適文彪二十二歲文彪歿周上事孀姑下撫遺孤守節四十載嘉慶二十五年 旌表

王氏郝定祿妻二十二歲定祿歿截髮毀容撫孤成立守節三十年嘉慶二十五年 旌表

孟氏監生戴沛霖妻 程氏庠生戴天錫妻姑婦二人也孟年二

大同縣志

卷十八

節孝

二十

十六沛霖歿撫孤天錫苦志訓迪天錫入庠尋歿婦程氏年二十七歲遺孤瑞徵尚幼養姑教子後瑞徵爲諸生俱嘉慶二十五年建坊 旌表

杜氏沈廷櫟妻乾隆四十七年守節嘉慶二十五年 旌表

高氏庠生楊清泰妻十八歲歸清泰清泰父得隄邑庠生性嚴正治家有法高事之唯謹奉繼姑尤加孝敬越三年而清泰歿時年二十二歲無子苦守一十三年夫弟清翰生子兆奎卽令承嗣兆奎稍長高教之有方後以兆奎貴封宜人孫啟鯤勤學人庠現年七十有六嘉慶二十五年 旌表

蕭氏玉成庄居民王永凝妻永凝歿時蕭年二十二歲遺孤尚幼

弱撫之成立守節三十三年道光二年 旌表

柴氏田興妻十八歲適興十九歲興歿撫遺孤迄成立子又亡以猶子爲子守節三十四年道光二年 旌表

劉氏龐家山居民龐養初妻二十一歲守節道光五年 旌表

吳氏增生崔琳繼妻十七歲歸琳事舅姑甚孝琳歿時吳年二十七歲事舅姑倍加孝敬吳無出撫前子女如已生厥後子宗恒入庠次子宗泰國學生諸孫鈺銓鐸錦俱列鬻宮守節四十二年道光五年 旌表

劉氏隆盛庄居民嚴秉和妻歸秉和三年而秉和歿不以貧窶易志前姑病卧三年劉一夜三起事之未嘗一日變易其繼姑性

大同縣志

卷十八

節孝

二十一

最嚴劉事之較前姑更孝長子銳遵劉訓力田次子鉞入武庠家道殷實皆劉之教誠所成也道光五年 旌表

杜氏吏員王振綱妻年二十夫歿時祖父母俱衰耄子瑛甫八月杜勤女工奉兩世甘旨撫遺孤中武科守節三十三載當事具

詳請 旌如例

府志

王氏康昌基妻年二十六夫亡守節撫育四子皆成立次子鶴齡早歿無子妻杜氏年二十一誓不改適撫猶子爲嗣王年八十

二杜年六十姑媳以貞節傳家例得雙 旌其門

府志

王氏弁丁陳慧妻年二十夫亡貧無以殮號慟感道路鄉黨競爲之助旣免喪父母憐其苦令他適王以死誓棲居二十八年茹

荼集蓼人所難堪見者哀之

省志

王氏劉寶銀妻年二十八而寡家貧縫紉資事蓄苦節五十年

省志

劉氏候推守備彭國瓚妻年二十而寡子生甫三月孀姑年老劉

垢面毀容心堅金石勵節課子及大志登武榜任廣東遊擊時

已守節三十六載矣

省志

古氏仲明倫妻年二十五夫亡子六歲氏孝奉舅姑問視起居竭

誠盡慎撫孤訓以義方孀居三十七年苦節貞操鄉人敬禮惜

家貧無上其事以請旌者

省志

劉氏王繼業妻年二十九夫亡家甚貧針指自給雖累日不舉火

無怨言撫孤成立壽八十六而終

省志

大同縣志

卷十八

節孝

二十二

古氏生員初鴻妻年二十五夫亡矢志堅貞撫孤成立孀居三十

年人稱完節

省志

劉氏文珠妻年二十九夫亡子未歲家窶甚外無期功之親內無

應門之童艱苦備至教子補弟子員歷節二十七年卒

府志

王氏雷璽妻年二十九夫亡奉翁姑撫弱息克勤克儉家業日興

三子俱成立孫曾繞膝年八十二而終

省志

侯氏生員傅良桂妻年二十八夫亡子僅四歲翁八旬癯沉疾侯

委曲周詳奉事唯謹起居食息無不得其歡心孤子鳳入郡庠

食餼孫亦成立孀居六十餘年壽八十九

省志

吳氏曹旺妻年二十八夫以暴疾卒家貧撫幼子成立苦節四十

餘年壽七十一終 省志

衛氏生員宋芝池妻年二十五夫卒遺孤二長二齡幼三月衛矢志守貞孝養孀姑嚴訓稚弱子宗舜爲邑庠生幼亦成立閭黨稱其完節焉 省志

賀氏劉大捷妻年二十一而寡家貧克勤克儉奉舅姑以孝聞撫子女皆成立守節五十餘年始終如一曰 省志

王氏秦芝妻年二十九夫亡家素窶日以女工自給守志撫孤孀居三十年 省志

梁氏武鳳翔妻年二十五夫亡日勤針黹撫遺孤皆成立守志四十六年 省志

大同縣志

卷十八 節孝

二十三

閻氏李模妻年二十五而寡苦志二十餘年撫育二子俱成立當事者表其門 省志

何氏生員張其先妻年二十四生子甫三日而夫卒何甘貧守節事舅姑以孝撫孤有成歷五十年如一日 府志

李氏馬國樑妻年二十六夫亡守節撫孤備歷艱辛四十餘年 府志

王氏李進芳妻年二十八夫亡遺腹子富誓志守節色養孀姑撫子成立後富舉二子尋亦卒復撫其孫歷五十五年壽八十三

寇氏馮三桂妻年二十二而孀子斌僅二歲翁姑垂暮四壁蕭然日勤針紉以資贍養嫠居五十九年 府志

趙氏王通妻年二十五夫亡子二長四歲次甫八月已而翁姑及

叔皆相繼歿家貧甚趙盡瘁撫孤縫紉自給守節三十餘年府志

盛氏王政妻年二十八夫亡孝奉孀姑撫二子進閣進宰俱有成

守節四十五年府志

郝氏仝應實妻年二十五夫客死撫子勲稍長卽令負父骸骨以

歸後子亦能守業壽七十四終府志

朱氏武生李柱妻夫亡無子苦節二十餘年窮餓死邑人憫之府志

程氏河南衛輝營叅將郭治側室也年二十八治歿子繼泰甫八

月矢志撫孤長補弟子員守節四十餘年而卒乾隆二十三年

學使蔣給玉節冰清匾額表其閭府志

徐氏李景直妻夫亡守節撫孤成立乾隆三十二年學使呂表共

大同縣志

卷十八 節孝

二十四

閭府志

車氏李日躋妻日躋自杭州歸卒於道車年十九一子甫襁褓或

勸之嫁以死誓養親撫孤歷久如一乾隆三十二年學使呂給

匾獎之府志

侯氏楊官妻年甫二十夫亡一子相繼歿號哭殞絕復甦姑泣諭

之遂毀容誓守以族子爲嗣撫養有成乾隆三十九年當事給

匾表其門府志

張氏白錦妻錦客死京師張年二十五家無資產僦屋而居縫紉

而食奉姑以壽終教子成立守節三十五年乾隆四十年當事

給匾表其門府志



夏氏王奇妻年二十七夫歿親老子幼未幾翁亦歿夏負土營葬姑復患癱疾奄奄床褥每飯必口哺之撫子皆成立苦節五十年而卒乾隆四十年當事給匾表其門

府志

馬氏庠生劉鵬妻年二十四夫亡馬自幼讀書知大義時姑老艱步履左右扶掖不少離撫遺孤甫六歲口授章句比長列膠庠守節三十餘年當事給匾獎之

府志

馮氏馬永妻教授馮士儼女年二十九夫亡長子甫襁褓次子在腹哀痛欲殉不得間越三日舅歿姑泣曰若死老身何倚且若不聞死節易守節難乎乃悲涕受命奉姑育子苦節三十餘年卒

府志

大同縣志

卷十八

節孝

二十五

屈氏營兵李奇妻年十八歸李姑性嚴少不當意則箠楚交下屈順受無怨奇從軍歿屈年二十四與姑相依早夜縫紉以供衣食凜若冰霜姑亦慈愛有加焉卒年七十二

府志

夏氏郝亮妻年二十五夫亡夫弟逼嫁誓死不二居近園圃時拾菜葉食之至累日不舉火處之淡如也年七十一卒苦節四十

六年

府志

吳氏馬先振妻年十七歸馬越二載而寡養親撫孤備歷艱辛生平未嘗見齒壽至八十終

府志

施氏楊本立之繼妻年十七歸于楊姑性嚴急孝養備至能得其歡心撫前妻子紹震如己出夫歿子幼家漸落竭力摒擋三子

俱成立後以紹震歿哀悼成疾卒時年六十四府志

段氏把總楊榮妻年二十六榮歿於京邸聞訃幾不欲生念姑老子幼乃截髮毀容誓無他志後姑壽至八十一養葬盡禮子習

武補邑庠守節三十三年而卒府志

張氏盧璐妻年十八夫亡遺子甫彌月舅姑俱耄張矢志不二孝

慈兼盡飲荼茹蘖三十餘年而卒府志

寇氏郭震義妻年二十六舉一子甫兩月夫歿族人利其嫁且見逼寇抱兒飲泣堅志不奪逼迫者愧悔卒能撫孤成立守節四十三載太守嘉公給匾獎之府志

任氏暢文斗之妾文斗居拒牆堡年四十無子始納妾舉一子甫

### 大同縣志

#### 卷十八

節孝

二十六

週歲文斗歿時任年二十四嫡憐其少欲嫁之任決志撫孤操作勤苦歷久彌堅守節六十二年壽至八十七文斗之長女嫡出也歸于梁而早亡遺子女俱幼任慈愛撫之至於嫁娶如己子女也人尤以此多之府志

劉氏岳懷碧妻年二十四夫歿舅老病二子幼家甚貧矢志守節

歷冰霜者垂五十年壽至七十二府志

馮氏馬如相妻夫歿年二十七家甚貧四子一女俱幼稚氏辛勤操作以一身經營衣食撫育諸孤皆至成立苦節五十餘年而

卒府志

張氏姚大成妻年十七夫亡無子痛不欲生舅憐其志慰諭之且

亟爲擇嗣繼未幾翁亦歿姑逼之嫁不從數困辱之志益堅卒

時年四十六 府志

劉氏李煥妻年二十八夫亡撫孤養親節孝並著卒時年六十四

府志

張氏閻昌緒妻年二十二緒貿易卒於外喪歸拊棺號慟幾殞絕

舅姑諭以守節爲重乃涕泣受命撫二歲孤成立卒年五十有

八 府志

張氏候銓縣丞馬正曾妻年二十七夫歿守節撫孤長入成均少

補弟子員乾隆二十二年當事給匾獎之 府志

王氏營兵吉大位妻夫歿三子俱幼王年二十六守節撫孤奉舅

大同縣志

卷十八

節孝

二十七

姑盡孝鄉里交稱之卒年七十五 府志

張氏李盛芳妻年二十四夫亡姑老子稚矢志守節姑疾祈天請

代果獲瘳教二子皆成立苦節三十二年卒 府志

吳氏廩生齊天成妻年二十二夫歿矢志守節孝養舅姑皆登大

耄撫幼孤有成苦節歷四十餘年卒 府志

李氏李翰臣妻年二十二夫亡守節奉姑姑歿祖翁年八十多病

飲食醫藥惟李是賴遺孤甫襁褓家甚乏卒能竭力支持艱苦

備歷年五十四節終 府志

曲氏晉進瑞妻年十九夫亡誓志毀容奉孀姑撫弱嗣足跡不履

戶外閨範肅然守節四十四年卒 府志

郝氏趙功臣妻年二十四夫亡守節孝事舅姑皆壽逾耄耄撫幼

子成立卒年六十二

府志

尚氏霍林妻年二十四夫歿遺子甫三歲撫之成立苦節三十餘

年

府志

秦氏王企祐妻年二十八夫亡養親撫孤志堅金石卒年七十一

王氏楊育妻年二十九夫歿遺子長四歲次猶在腹撫育諸孤冰

霜備歷婺居四十餘年卒

府志

王氏張崇妻年二十六夫歿懷娠甫三月號痛幾絕既而生男遂

苦志鞠養奉姑舅以壽終子亦成立守節凡三十六年

府志

馮氏魯日章妻性恬靜寡言笑年二十二夫歿舅姑老無倚子甫

大同縣志

卷十八

節孝

二十八

襁褓矢志奉養撫育歷諸艱守節三十三年而卒

府志

閻氏郭昭妻娠數月夫歿舉一子時閻年二十五矢志撫孤翁老

養葬盡禮子甫長而歿復嗣孫撫之貞操彌厲苦節四十餘年

聞者哀之

府志

劉氏葉本深妻年十九夫亡子生未週月翁姑先歿惟夫兄及嫂

是倚未幾兄亦歿嫂復老病劉躬親操作習勤苦撫教孤子補

博士弟子員守節三十餘年蓋巾幘丈夫者矣

府志

楊氏庠生劉灝妻灝歿遺一子在抱楊年二十四誓以身殉翁姑

泣慰之矢志撫孤姑久病喪明飲食藥餌調護惟謹子至成立

守節歷三十餘年

府志

郭氏張士魁妻年二十三夫亡遺子甫二齡誓死撫孤事舅姑盡禮脫簪珥謝鉛華終身不御親黨罕覩其面年踰七十猶足不踰闕其冰霜之自凜也如此府志

楊氏郭飛鴻妻年二十一夫歿無子以姑老矢志奉養婦兼子職苦節四十餘年可哀也已府志

劉氏穆興梁妻年二十二夫亡姑老二子俱幼家宏賜堡隣人勸改適輒峻拒之年饑掘菜根雜糠粃以食志節彌堅卒奉姑壽終撫孤成立守節已三十餘年府志

幸氏袁好聰妻 王氏袁好武妻娣姒也幸氏年二十二夫歿家貧甚子甫二齡翁姑勸之嫁輒號泣不食卒成其志年七十矣

大同縣志

卷十八

節孝

二十九

王氏年二十六而夫亡遺二子長七歲次二歲藉針指餬口艱辛備歷與長姒幸形影相依互相鞠養其子久無間言年六十餘稱一門雙節府志

李氏高良元妻年二十九夫亡矢志撫孤四十年如一日良元從弟良貴妻王氏夫歿亦守節撫孤三十年矣論者方之袁氏娣

姒焉

府志

田氏秦輝宗妻年甫十六夫亡一子在抱姑憫其少欲嫁之田以死誓卒能事姑以孝聞撫孤克有成立守節四十餘年得勝堡今猶稱道不衰府志

祁氏馬順妻年二十二夫歿遺子在腹家貧無倚卒能撫孤成立

苦節三十餘年 府志

李氏王功普妻功普遠賈不歸有傳其凶耗者時李年二十四子甫一歲伶仃孤苦惟縫紉澣濯自給鞠子成立年近七十 府志

王氏王禧隆妻年十八而寡子甫彌月守節歷三十年鄉里稱之華氏卜允妻年二十二而寡無子舅姑勸之嫁氏泣曰兒去老人

何倚遂矢志守節奉事惟謹越十餘年姑以族人子子之撫養成立婺居三十年矣 府志

趙氏張際盛妻居得勝堡年二十四夫歿無子誓志不移撫嗣子成立苦節已歷四十年 府志

蔣氏郝文英妻年二十九夫亡欲捐生以殉繼念二子幼矢志撫

大同縣志

卷十八

節孝

三十

孤有諷以改適者泣而謝之後二子俱成立孫五人曾孫四人蓋苦節之報云 府志

侯氏史明德妻年十七歸史越一載有娠而明德歿泣曰天不絕夫嗣幸生男否則以死殉之已而果男遂矢志撫孤奉舅姑盡

孝舅年九十猶無恙子亦成立苦節歷三十四年 府志

張氏李光舉妻年二十一夫歿撫孤守節歷四十餘載冰霜之操

閭里咸稱 府志

汪氏廩生郭繼昌妻年二十九夫歿無所出撫夫兄子棟爲嗣學使戈給予清操勵俗匾額後棟食餼出貢皆苦節之報焉 府志

張氏生員劉尚智妻年二十四夫亡遺二子俱幼矢志撫養苦守

冰蘖已三十餘年 府志

王氏丁榮妻年二十六夫歿子甫襁褓舅姑相繼歿遺一少子賴

王乳育之至於成立苦節已四十餘年矣 府志

李氏薛良弼妻年二十二良弼病革囑曰吾死以老母弱弟累汝第汝無出能久而弗渝乎李泫然曰無子命也守節分也君卽不諱必不食言比良弼歿矢志堅守奉老姑撫弱弟慈孝著於

閭里 府志

李氏薛宗堯妻年二十三而寡子甫三歲立志守節養親撫孤迄有成立 府志

蔣氏朱槿妻年二十四槿客死遺子尚幼矢志撫孤含辛茹荼歷

大同縣志

卷十八 節孝

三十一

四十年貞操如一 府志

鮑氏梅和寶妻年二十六夫歿家貧子幼姑復衰老鮑曲意孝養以媳兼子後二子俱成立守節已四十七年 府志

薛氏李瑛妻年二十而寡子甫在抱氏矢志靡他撫孤成立迄今

三十餘年 府志

項氏王鐸妻年二十一夫亡遺孤幼甘貧守節奉老姑以孝聞年五十一牙齒盡落蓋三十年來艱苦辛勤故也 府志

王氏張成妻年二十一夫亡撫族子爲夫後志節堅貞歷久如一

曰 府志

郭氏武生張景文妻年二十九夫歿遺子甫四齡鞠養艱辛冰霜

自勵乾隆二十七年太守嘉 給匾獎之 府志

馬氏姚勝文妻年十九夫歿遺一女姑促之嫁乃毀容截髮誓無他志族人憐之爲之立繼撫育有成守節已歷三十五年 府志

張氏谷懷璉妻年二十六夫歿遺子方娠舅姑相繼歿四十餘年家無次丁誓志守節撫孤以延宗祀 府志

周氏廩生趙宏遠妻年二十三夫亡遺子女俱幼撫養成立人稱完節 府志

馬氏康九齡妻年二十四夫歿無子立志守節夫弟尚幼鞠養至婚娶其後弟生子立以爲後悲且喜曰吾夫婦今日始有子矣志操益篤 府志

大同縣志

卷十八 節孝

三十二

王氏秦國昌妻年二十五夫亡矢志守節撫孤成立 府志

吳氏華鍾秀妻年二十五夫亡撫孤守節二十七年 府志

張氏聶光謨妻年二十七夫亡舅姑衰耄一子甫襁褓張堅志事育歷久不渝守節垂四十年矣 府志

張氏袁好義妻年二十四好義客死子忠在襁褓家極貧苦守志節 府志

趙氏霍鳳妻 董氏高永祿妻 蘇氏張承業妻 失氏生員胡孕芳妻 王氏朱龍岩妻皆以夫亡守志與 旌表之例相符

府志

李氏王尚寬妻二十七歲尚寬歿遺子四齡李撫之成立守節四



十四載卒年七十一歲

陳氏佛堂寺民劉毓泰妻二十四歲守節卒年六十七歲

封氏拖披村民任元妻二十九歲守節卒年七十四歲

李氏李恒賓妻二十二歲恒賓卒撫子時芳入庠成立時芳復灰  
與孀媳撫孫卒年七十六歲

王氏何朝璧妻二十二歲守節卒年六十二歲

魏氏宋德妻歸德甫二載而寡生子存殷魏教之極嚴守節二十  
九年而終後存殷食餼出貢人以爲得魏之訓教者居多嘉慶  
己巳 提學黃給予節箴女史四字以獎之

高氏東王家莊民李德幼妻二十四歲德幼歿撫孤恒春成立後

大同縣志

卷十八

節孝

三十三

恒春復歿與孀婦撫孫壽五十九而終

蔣氏庠生翟鳳翽妻二十四歲鳳翽卒守節三十八載卒年六十  
一歲

李氏孟貞儒妻貞儒歿時李年二十八歲撫遺腹子成立卒年六  
十一歲

馮氏葛繡章妻繡章七歲時出繼至十七娶馮爲妻生子世荃方  
週歲而繡章歿有勸馮改適者馮矢志靡他事兩舅姑克盡婦  
道嘉慶戊寅 學使賀給予孝慈成節四字以獎之

姚氏東馬莊民張堯化妻二十八歲守節卒年八十五歲

王氏上魚澗民王海妻海歿時王年二十九守節四十八載而終

郭氏安留庄民王永安妻二十五歲守節卒年五十六歲

劉氏高文廣妻文廣歿時劉年二十五歲後五十歲而終

郝氏右營把總劉玉妻青年守節乾隆三十九年當事王給予苦

節堪型四字以獎之

閻氏馮偉妻二十五歲守節卒年六十四歲

王氏史宏聲妻十七歲歸宏聲宏聲患啞疾王事之唯謹越九年

而宏聲歿遺子二長長青次琬後琬出嗣別支王教長青最有

家法後以長青貴贈宜人卒年六十五歲

許氏李祿妻二十九歲祿歿守節三十四年卒年六十三歲

郝氏張廷元妻二十歲廷元歿撫二歲孤守節卒年七十二歲

大同縣志

卷十八

節孝

三十四

郭氏武舉史璜妻二十八歲璜歿遺孤二長元直次傳信後傳信

承繼別支撫元直成立元直旋歿撫孫鳳彩鳳舞成立守節三

十七載卒年六十五歲

施氏張定奎妻定奎歿時施年二十三歲守節四十九載卒年七

十二歲

仝氏師維翰妻十八歲維翰歿無子撫從子爲嗣卒年五十八歲

張氏史德妻二十六歲德歿撫孤開泰成立守節三十五載卒年

六十一歲 學使黃以清節堪型四字匾額獎之

雷氏劉韞璠妻二十九歲韞璠歿撫孤文彪成立後文彪又歿與

孀媳周氏相依撫孫肯堂成立卒年七十二歲

王氏孟維漢妻二十八歲維漢歿撫從子爲嗣依母家度口守節四十一載而卒

任氏項希賢妻二十六歲守節卒年五十有六

張氏王崇義妻于歸僅六月崇義卽遠出越三年崇義卒於外遺孤甫三歲張依母家撫之成立尋歿又撫孫卒年八十九歲督學賀給經霜彌茂以表其閭

翟氏羅傑妻十九歲傑亡撫四歲孤成立卒年五十八歲

張氏楊映馨妻二十九歲映馨歿遺孤甫週歲尋歿依姪旺守節四十一年而終

姜氏營卒何龍章妻副將姜必昌之女也二十三歲龍章陣亡姜

大同縣志

卷十八

節孝

三十五

矢志守節三十年而終

王氏西韓家嶺村民李馨暄妻二十九歲馨暄歿遺孤鍾德甫週歲王撫之入庠成立守節四十五載而終 督學陳給予節勵冰霜四字以表其門

祁氏劉儒妻二十五歲儒歿守節三十三載卒年五十四歲

馬氏劉維翰繼妻十九歲維翰歿守節四十四載卒年六十二歲

郝氏楊幹齡妻二十八歲幹齡歿守節三十九年而卒

楊氏千千村民李富妻二十四歲富歿守節四十二年而終

李氏趙石庄居民蘭溥妻二十歲溥歿矢志守節嘉慶乙亥 學使陳給予敬姜遺範四字獎之

解氏遊擊任承緒之妻任勇烈公次媳也廣西柳州提督解遜之  
女年十八歸於任八年而寡撫棺痛哭幾不欲生念孤女無依  
強起遂依兄嫂寄食任所煢煢一室親黨中罕見其面其子壻  
介休范光復任粵東鹽場大使迎至署至嘉慶己巳年已六十  
四矣范君爲請於大吏

題准

旌表建坊如例

盧氏李毓瑗妻毓瑗歿時子尚幼盧年二十七歲堅志撫孤孀姑  
盲而得腿疾不能步履者垂十年餘盧事之無倦容姑常稱盧  
爲耐磨兒則其事姑之孝可知年七十七歲而終

大同縣志

卷十八

節孝

三十六

李氏口泉村民袁連第妻連第歿時李年二十有三無子苦守四  
十餘年卒年六十有八

趙氏葛自毅繼妻二十九歲自毅歿遺孤二俱幼趙撫之有成卒  
年七十六歲當事劉給予節凜冰霜四字以表其閭

李氏王鴻緒妻二十八歲鴻緒歿矢志撫孤守節四十七載卒年  
七十五歲府學廣文給苦節撫孤四字以獎之

章氏神嘴窩村民張煥妻煥歿時章年二十五歲卽厲志冰霜撫  
孤五典成立苦守五十三載而卒

韓氏營卒吉通妻二十三歲通陣亡無子韓鬻針黹度日矢志守  
節三十一載卒年五十四歲

曹氏南米莊民劉焯妻應州歲貢生曹克禮之女也二十六歲焯  
歿無子以從子登善爲嗣撫之成立卒年七十三歲

張氏口泉村民李璽妻十九歲歸璽八年而寡遺子茂林甫二歲

張撫之有成守節四十五年壽七十二歲而終

劉氏羊坊村民韓得功妻二十七歲守節卒年五十八歲

馮氏武生李森妻二十二歲森歿遺孤三長仲炳次仲甲次仲庚

馮訓之有方後仲炳登武科官至叅將孫曾俱列仕宦猶遵遺  
教云年八十卒於仲炳任所

樊氏南米莊民劉炳妻二十七歲炳歿撫孤如鋒成立卒年六十  
八歲當事戴給守義存孤匾額以獎之

大同縣志

卷十八

節孝

三十七

趙氏段嘉財妻二十九歲嘉財歿遺孤錦尚幼趙撫之成立卒年

七十三歲縣學廣文給予冰心栢操四字以褒其節

王氏張學海妻年二十九而寡遺女四子猶在腹王矢志守節子

稍長亦歿王倚母氏暨女家四十六載而終

邢氏謝發妻二十六歲發亡矢志撫孤因自堅其信引刀斷左手

一指聞者莫不咋舌守節三十載卒年五十五歲

于氏袁璽妻二十三歲璽歿于事病姑撫幼子孝慈各盡守節四

十一載卒年六十五歲 督學鄒給孝慈靡他四字以嘉之

劉氏王臨剛妻二十一歲歸臨剛七年而寡遺子元未彌月劉矢

志撫字備嘗艱苦卒年四十五歲

倪氏庠生麻世良妻二十歲世良歿守節四十三載卒年六十三歲

王氏董德忠妻二十七歲而寡遺孤鎔甫七齡王撫之成立卒年六十歲

初氏王陽妻廣西左江鎮守備初岌之女也二十九歲陽客死豫省無子遺二女尚幼初依母家撫之出嫁矢志冰蘖四十年而終葬城北陳家莊道至今人猶稱其墓爲孤女兒墳

張氏趙佩妻二十六歲佩亡張矢志撫孤卒年七十六歲 提學鄒給冰心事育四字以獎之

張氏宋仁妻二十六歲仁歿遺孤二張矢志撫育姑旋歿翁又失

大同縣志

卷十八

節孝

三十八

明張事之唯謹二十年如一日二孤尋歿又撫孫成立卒年七十有一

李氏王秉仁妻二十九歲守節撫孤成立卒年六十八歲

王氏李廷祥妻二十九歲廷祥歿撫週歲子苦守五十一載而卒

王氏張仲賢妻二十五歲仲賢歿生子三長泰甫十齡次嗣別支

三未週歲王撫之成立 學使黃給柏節冰心以獎其節現年七十八歲

孟氏于家園村民周創基妻 李氏周誠士妻娣姒也孟十七歸二十二歲守節遺子未週歲孟奉翁姑撫幼孤以孝慈著現年七十四歲李十五歸時誠士方十三未及半載而歿李矢志守

節撫從子志爲嗣現年六十歲村民稱周氏雙節

王氏梁興邦妻二十七歲守節現年七十六歲

張氏馮永興妻二十九歲守節現年七十三歲

刁氏樊家莊民郭喜妻二十七歲守節現年七十三歲

杜氏劉錦妻二十七歲守節現年七十二歲

蒲氏段永順側室也十五歲適永順時嫡已患目疾蒲事姑事嫡俱各盡禮嫡旋生子體高蒲育之如已出後十三年而永順歿體高甫九齡蒲矢志撫孤事姑與嫡益謹嘉慶戊寅 學使賀以貞節可風嘉之現年六十九歲

柳氏宋喜妻陽高孝廉柳發榮之長女也十七歲歸越五年而喜

大同縣志

卷十八

節孝

三十九

亡柳撫五歲孤孝事翁姑嘗遇旱斷炊者二日 提學黃給閨

範可風四字以褒之現年七十歲

賈氏王相亨妻二十八歲相亨歿撫遺孤成立現年六十九歲

張氏雷九錫妻二十二歲九錫歿撫孤豫成立尋歿與孀媳石氏

撫孫希曾成立現年六十八歲

張氏庠生李時芳妻二十五歲時芳歿家貧乏糟糠弗給張奉孀

姑李氏矢志靡他親戚憐其姑媳苦節咸爭助焉卒撫孤不成

成立現年六十七歲

曹氏蔚州瞳民咎廣喜妻二十六歲守節現年六十七歲

楊氏郭安妻二十六歲安歿撫遺腹子成立現年六十五歲

張氏孫家港村民姚澧源妻二十六歲守節現年六十三歲

郭氏東王家莊民李恒春妻二十六歲恒春歿遺孤芝甫六歲矢志守節現年六十二歲

郭氏庠生劉兆熊繼妻二十八歲兆熊歿遺孤昌基甫週歲撫之與前子女無異現年六十三歲

傅氏茹淋妻二十九歲守節現年六十二歲

蘇氏小鹽坊村民楊燦妻二十五歲燦歿遺子三蘇撫之成立現年六十一歲

龐氏佛堂寺村民陳達妻二十五歲達亡遺孤方四歲龐撫之有成尋歿遺二歲孫又歿孀媳改醮龐乃撫族姪爲嗣現年六十

大同縣志

卷十八

節孝

四十

歲

王氏張有寬妻二十九歲有寬歿遺孤維清尚幼王撫之成立入武庠孫攀龍補弟子員現年六十八歲

姚氏閻喜妻二十七歲而寡撫孤苦守現年六十二歲

仝氏高文耀繼妻二十八歲文耀歿撫孤陞成立現年六十歲

郭氏煤峪口村民李士鰲妻二十八歲守節現年六十歲

王氏杜文秀妻二十五歲文秀歿遺孤甫週歲王撫之成立現年六十歲

紀氏秦城村居民姚榮妻二十五歲榮疾歿遺腹于世威成立現年六十歲



列女三

貞烈

北魏

叔孫俊妻桓氏俊以翊戴明元功遷衛將軍賜爵安成公年二十

八泰常元年卒明元親臨哀慟命其妻曰夫生既共榮歿宜同

穴能殉葬者可任意桓氏乃縊遂合葬焉

省志

和跋妻劉氏跋性好炫耀道武狩豺山刑之劉氏自殺以從

省志

元

張思孝妻華氏善吟咏嘗為兵所執以不辱見殺其媳劉氏乃僵

壓姑屍大罵不已兵併殺之後家人殮其屍姑媳之手猶相持

不釋劉嘗有賦庭栢自況詩云羣卉枯落時挺節成孤秀既保

大同縣志

卷十八

貞烈

四十一

歲寒心不在遐與壽

省志

宋堅童妻班氏李安童妻胡氏早寡不忍獨生以死從夫事聞悉

命褒美

宋堅童一作元安童宋時人

省志

明

張氏大同後衛諸葛仁妻適仁四年仁歿慟絕欲殉不食數日死

時年二十五歲仁家三世孀居建有世節堂焉

省志

劉氏朱成佩妻成佩毆殺宗人繫獄論死詔自盡劉先期詣禁所

與夫訣曰早晚旨將下妾此後不復來視君也歸即自縊後一

日成佩方死撫按咸勒石表其墓

省志

方氏監生王濬繼妻少寡無出庶子甫四歲撫如己出闖寇陷城

何氏樂鎮營村民呂維魁妻十七歲歸呂二年而寡無子撫從子  
爲嗣事舅姑以孝聞現年六十四歲

于氏張元妻二十六歲守節現年七十四歲

許氏焦應妻二十四歲應歿遺孤大智甫七齡許堅志守節卒年  
七十八歲乾隆四十九年前郡守文給節壽可風四字以獎之  
韓氏蔚州瞳村民王進元妻進元歿時子良甫二齡韓年二十五  
歲後月餘而生次子和韓矢志撫育俱至成立守節四十五載  
現年七十歲

方拜哭璿柩前引刀自刎死 省志

蔡氏劉璽妻夫亡哀痛七日不飲食求死不得越數日自縊於室 府志

王氏舍人歐英妻幼而靜淑年十九夫亡欲自殺以殉家人守之不得間一日乃閉戶托言洗沐遂自經死都御史李敏為之奏聞有日月爭光山川出色之句 府志

溫氏衛軍高通妻夫死溫年二十子女各幼通既葬家貧依其兄嫂居兄嫂迫之嫁溫泣自明其志迫之再三溫曰吾死決矣指子女曰吾躬不閱違卹吾後引繩自經死其子若女痛母號泣亦自經死叔父某悲之白於官論兄嫂如法而明溫節請旨

大同縣志

卷十八

貞烈

四十三

旌之 府志

仇氏生員李紹忠妻婉婉有淑德家貧以供翁姑菽水萬曆八年忠染病卒仇不食三日自經於柩側 府志

高氏金氏何忠愍公廷魁妾也天啟元年三月忠愍備兵遼陽及城陷廷魁殉城與二妾相率赴井死婢僕從死者六人建烈婦坊事詳明史列傳 查省志誤收朔平府因其傳載威遠人故也今從何忠愍家譜細考知為大同人備載本傳

朱氏裴禹卿妻代宗俊噤姊封陵川縣君地震城崩禹卿死縣君以首觸棺嘔血卒年二十一詔諡貞烈 府志

國朝

楊氏王之雲妻應州楊威女幼失恃天性至孝父鍾愛之及歸王皆稱其賢順治五年會姜瓖逆變時之雲與長子逢春外出惟仲季二子在側楊囑曰吾家世篤忠義我何忍貪生致辱賊人手兒輩無偕死以存王氏後語畢躍入庭院并季子逢慶牽衣號泣從之其女已適人聞母死狀亦自經後仲子逢泰訪父數千里卒奉歸孝養郡守葉九思嘉其一門節孝爲立傳省志

朱氏常炳妻順治五年姜瓖變炳與父志強叔志旺胥被繫脅之使人其黨不從志旺遇害志強父子俱見囚朱疑翁與夫之及於難也慷慨激烈自經死時年十有八歲

梁氏楊月斗妻生有殊姿翁弟楊慶非人類窺梁獨處遽逼之梁

大同縣志

卷十八

貞烈

四十四

大聲以拒慶遁踰月持刀往拒之更力慶拔刀擊其右臂不從刃其左股者三又不屈乃斫其右乳而死事聞罪慶如律康熙五十七年請 旨建坊 旌表省志

畢氏劉榮妻榮家貧爲人傭劉以女工佐夫養姑夫歿號痛欲絕視殮後不復哭或疑有他志乃半夜密縫衣履束麻焚香自縊於柩側時乾隆五年三月二十一日也旣死不瞑猶直視夫柩

面如生見者歎異

府志

段氏友宰村民孫汝葺妻汝葺歿僅遺一女守節撫之閱數載夫弟汝昌利其產陰與前村劉和謀嫁以賣屋給段携女暫詣和所比暮不得歸乃詰和和持婚書示之曰若已嫁孫榮矣奈何

求去和故孫氏子榮其母兄於氏爲族子也段知爲所賣仰天號哭急取利刃自衛榮不敢逼是夜母女閉一室室中嗚咽語良久度終弗免投繯死其女林姐亦自縊殉母年甫十一事聞論汝昌等罪如律 旌表節烈建坊并 旌孝女林姐見者無不泣嘆

府志

王氏李化亨妻化亨居得勝堡爲人傭饔殮不給王無怨言夫歿貧不能殮晝夜號泣不絕自經以殉

府志

裴氏徐疇村民劉緒妻有容色緒以牧羊爲生常居村外破窯緒歿富民多欲娶之裴父亦憐其無依冀改適裴堅志不允迨將絕炊其父又勸裴陽許之是夕遂縊於破窯中聞者莫不稱贊

大同縣志

卷十八

貞烈

四十五

劉氏石燕庄村民王某妻因與村民韓朝佐口角相爭被韓穢言詈罵劉遂羞忿自盡道光二年 旌表

賈氏青陽嶺民家女幼端麗能知大義十七歲歸破窯溝臧姓其翁湏於酒偶以游語挑之賈面赧拂袖出適母疾往省潛爲泣訴以死誓母勉慰之併戒其壻返未踰月其翁不知悛悔復欲私予錢布以箝其口賈自度終不免遂自經以明志事得白於道光八年 旌表如例

貞烈附錄

烈婦貞女惟邑人始登於志而此四姬者其籍貫雖不隸於邑中而其事則皆可以風世也故附錄以表其志操焉

明

張氏潞城安簡王侍婢識文字王薨誓死妃與諸姬慰諭之張曰妾雖婢事王有年寧忍王死而獨生乎自經於閣王府咸高其義歲時祭之省志

張氏大同鎮總兵鄭亨妾宣德九年二月亨卒於鎮張氏自經以殉贈淑人府志

國朝

大同縣志

卷十八

貞烈附錄

四十六

陳氏浙江鄞縣人大同總鎮九公格之側室也乾隆三十四年總鎮卒於官氏撫棺愴慟視殮畢闔戶自經死時年二十九中丞鄂問其事爲之題額建祠府志

吳氏欒某廝養黃國忠之妻康熙間欒宦大同國忠夫婦隨之任其主屢欲嬖之堅不可乃日鞭撻其夫欲致之死氏泣謂國忠曰妾義不受辱然妾在君必不免請自殺以絕狂暴念遂引刀斷喉而死時年二十八雍正元年知府許惟訥建祠祀之今府署內烈婦祠是也省志